

OTVOREN NOVI POZIV ZA DRUGI CIKLUS TAKT AKADEMIJE

Fondacija Hastor u saradnji sa Prevent grupacijom u BiH ove godine pokreće novi poziv za polaznike drugog ciklusa programa TAKT akademije. Cilj programa je obezbijediti obuku i ljudske resurse čije će znanje i vještine biti prilagođene radu sa najnovijim tehnologijama u nekim od vodećih kompanija u BiH i regionu. Poziv za prijave je otvoren do 06.02.2017. a sve potrebne informacije kandidati mogu dobiti na www.takt.ba. Proces selekcije i intervjuiranja bit će realizovan po gradovima/lokacijama. Vezano za organizaciju procesa intervjuiranja bit će kontaktirani uspješni aplikanti (bit će uzete u razmatranje samo aplikacije koje sadrže sve tri komponente poziva :prijavni formular, CV i pismo motivacije). „Imamo iskazanu potrebu za više od 20 različitih pozicija i preko 50 radnih mjesta sa visokom stručnom spremom. Radi se o lokacijama širom BiH u kojima je Prevent grupacija pristuna“ izjavio je Seid Fijuljanin direktor Fondacije Hastor. Akademija nudi sistematičan pristup prilagođavanja obrazovnog sistema potrebama tržišta rada. Na osnovu istraživanja koje je provela Fondacija Hastor u saradnji sa partnerima napravljen je program kroz koji će polaznici u toku obuke koja traje do dva mjeseca dobiti znanje, vještine i praksu neophodne za potrebe rada u automobilske industriji kao i industrijama namještaja, tekstila i mode. Prijavljene potrebe za kadrovima su raspoređene po stepenu stručne spreme, te su dodate osnovne informacije o znanjima, vještinama i kompetencijama potrebnima za obavljanje navedenih poslova.